



Crynodeb o'r Pwyntiau Allweddol o Gyfarfod Grŵp Rhanddeiliaid Safle Wylfa ar 16 Hydref 2025

1. Adroddodd y Cadeirydd ar y digwyddiadau y mae wedi bod ynddynt ers cyfarfod diwethaf Grŵp Rhanddeiliaid y Safle ym mis Ebrill.
2. Cyflwynodd Stuart Law Adroddiad Cyfarwyddwr y Safle, gan roi'r wybodaeth ddiweddaraf i'r aelodau am ddatblygiadau ar y safle.
3. Adroddiad y Swyddfa Rheoleiddio Niwclear (ONR) – Cyflwynodd Katie Chandler ei hadroddiad ar gyfer y cyfnod rhwng 1 Ionawr a 30 Mehefin.
4. Cyflwynodd Iwan Williams adroddiad diweddarau ar y cyd gan Cyfoeth Naturiol Cymru / Asiantaeth yr Amgylchedd.
5. Ni chodwyd unrhyw gwestiynau yn ystod y Fforwm Holi ac Ateb.



Cofnodion Grŵp Rhanddeiliaid Safle Wylfa
Dydd Mawrth 16 Hydref 2025, Swyddfa Hyb NRS Wylfa, Cemaes, Ynys Môn

Yn bresennol:

Y Cyng Aled M Jones	Cyngor Sir Ynys Môn, Ward Twrcelyn a Chadeirydd y Grŵp
D Stuart Law	Cyfarwyddwr y Safle, NRS
Y Cyng G O Jones	Cyngor Sir Ynys Môn
Y Cyng Derek Owen	Cyngor Sir Ynys Môn (Is-gadeirydd)
Y Cyng Gareth W Roberts	Cyngor Tref Amlwch
Y Cyng Ken Hughes	Cyngor Sir Ynys Môn
Y Cyng Gordon Warren	Cyngor Tref Amlwch
Llinos Medi	Aelod Seneddol Ynys Môn
Iwan Williams	Cyfoeth Naturiol Cymru
David Wilby	Asiantaeth yr Amgylchedd
John Madden	Asiantaeth yr Amgylchedd
Cath Pritchard	Ysgrifenyddiaeth SSG NRS
Elin P. Jones	Arweinydd Cyfathrebu a Materion Economaidd-gymdeithasol NRS
Mair Jones	Arweinydd Materion Economaidd-Gymdeithasol NRS
Katie Chandler	ONR
Virginia Crosbie	Partner yn Nuclear Capital LLP
David Carson	Cyfarwyddwr Datblygu NDA Solutions
Cllr Gary Pritchard	IOACC Elected Leader

Yn bresennol:

Manon Cadwaladr	Cyfieithydd - Cymen
Sydna Roberts	Cofnodydd - Cymen

Ymddiheuriadau:

Y Cyng Jackie Lewis	Cyngor Sir Ynys Môn
Y Cyng Liz Wood	Cyngor Tref Amlwch
Y Cyng Gwilym Morris	Cyngor Cymuned Rhosybol
Rhun ap Iorwerth	Aelod o'r Senedd
Bill Hamilton	Cyfarwyddwr Materion Allanol - NRS
Jonathon Jenkins	NDA
Steve Roberts	Rheolwr HSE NRS
Iwan Jones	Cyngor Sir Ynys Môn
Jonathon Holland	Swyddog Cynllunio at Argyfwng

1 Croeso a Derbyn Ymddiheuriadau am Absenoldeb

Croesawodd y Cadeirydd bawb i'r cyfarfod a nodwyd yr ymddiheuriadau uchod.

2. Cymeradwyo Cofnodion y Cyfarfod a gynhaliwyd ar 08.04.25

Derbyniwyd cofnodion y cyfarfod a gynhaliwyd ar 08.04.25, a rannwyd cyn y cyfarfod, fel cofnod cywir.

3 Materion a Godwyd o'r Cofnodion Blaenorol

Ni chodwyd unrhyw fater.

4 Adroddiad Cadeirydd Grŵp Rhanddeiliaid y Safle

Rhoddodd y Cadeirydd ddiweddariad byr ar weithgarwch blaenorol, fel a ganlyn:

- Mynychwyd Fforwm Cadeiryddion ac Is-gadeiryddion Grŵp Rhanddeiliaid y Safle ar 2 Mai 2025 a 6 Mehefin 2025
- Mynychwyd cinio a chyfarfod Cadeiryddion ac Is-gadeiryddion Grŵp Rhanddeiliaid y Safle ym Manceinion ar 1 a 2 Gorffennaf gyda'r Prif Swyddog Gweithredol a Phrif Swyddog Gweithredol y Grŵp
- Cyfarfod briffio ar-lein ar Strategaeth 5 Yr Awdurdod Datgomisiynu Niwclear (NDA) ar 11 Gorffennaf
- Gweminar Strategaeth 5 yr NDA ar 5 Medi

Digwyddiadau sydd ar y gweill:

- Cyfarfod Fforwm Cenedlaethol Grŵp Rhanddeiliaid y Safle ar ddydd Gwener 24 Hydref
- Uwchgynhadledd Rhithiol Rhanddeiliaid yr NDA ar 3 Tachwedd 2025 - rhithiol

5 Adroddiad Cyfarwyddwr Safle Wylfa

Cyflwynodd SL adroddiad cynhwysfawr a grynhoir fel a ganlyn: -

Ystadegau Amgylchedd, Iechyd, Diogelwch, ac Ansawdd

Adroddodd SL ar yr ystadegau diogelwch fel a ganlyn:

- Cyfradd cyfanswm y digwyddiadau a gofnodwyd (TRIR): 0.00
- Cyfradd achosion diwrnodau i ffwrdd (DACR) 0.00
- Nifer y diwrnodau ers damwain colli amser: 2641 diwrnod (ar 02.10.25)

Pobl

Tîm Wylfa Un

Yn gweithio ar hyn o bryd ar y Cynllun Busnes ar gyfer y 4 blynedd nesaf y cytunir arno ym mis Tachwedd ar lefel Cwmni.

- 190 o staff safle NRS, yn cynnwys 5 o weithwyr a gyflenwyd gan staff asiantaeth
- 7 prentis – 4 wedi ymuno ym mis Awst
- 80 o staff NRS wedi'u lleoli yng Nghanolfan Wylfa – Swyddogaethau Cymorth Canolog

Y Diweddaraf am y Safle:

System Droshaen Drydanol

Mae'r prosiect System Droshaen Drydanol (EOS) wedi'i ddylunio i ailgyfeirio cyflenwad trydan y safle. Unwaith y bydd wedi'i gyflawni, bydd yn datgloi arbedion cost hirdymor ac yn galluogi prosiectau datgomisiynu yn y dyfodol.

Y cynnydd hyd yma:

- Mae'r gwaith galluogi wedi'i gwblhau'n llwyddiannus, gan wella diogelwch ac effeithlonrwydd gweithredol ar draws y safle.
 - Mae holl geblau'r hen switsfyrddau wedi cael eu tynnu, eu datgymalu, a'u symud yn llwyr.
 - Mae gwaith parhaus yn mynd rhagddo ar hyd y ffordd ddynesu ar y cyd â Scottish Power.

Y cam nesaf:

Mae'r safle bellach wedi derbyn caniatâd i symud i gam cyflawni'r system drydanol newydd. Mae hyn yn nodi newid o gynllunio i weithredu — gyda gweithgareddau adeiladu, gosod, a chomisiynu ar fin dechrau.

Prosiect Awyrellau Llestr - adweithyddion yn anadlu'n naturiol –

Gan fod tanwydd wedi cael ei dynnu o'r adweithyddion yn Wylfa ers blyneddau lawer, nid oedd angen awyru'r adweithyddion drwy gyflenwad aer sych mwyach. Cytunwyd y gellid cau'r system awyru'n ddiogel. Nododd SL fod hwn yn ddarn da o waith sy'n cefnogi cynaliadwyedd ac yn cefnogi datgomisiynu pellach.

Y canlyniadau allweddol:

- Cael gwared ar systemau diangen, gan gefnogi'r prosiect EOS drwy ddileu'r angen am drydan i'w rhedeg.
- Arbed £130,000 o gostau blyneddol drwy ddefnyddio llai o drydan.
- O safbwynt cynaliadwyedd: Diffoddwyd yr oeryddion. Cafodd nwyon glycol a nwyon oeri — y ddau yn niweidiol i'r amgylchedd — eu tynnu'n llwyr o'r system.

Y camau nesaf:

- Cau'r systemau sy'n weddill yn derfynol. Gosod pibellau newydd. Sefydlu pwynt samplu i gefnogi monitro a sicrwydd yn y dyfodol.

Uwchraddio'r System Rheoli Diogelwch – wedi cyrraedd carreg filltir bwysig o ran datblygu nodau strategol y safle ar gyfer 2025-2026. Bydd y cam nesaf yn cynnwys cyflwyno systemau wedi'u huwchraddio a datgomisiynu seilwaith sydd wedi darfod.

Cyfleuster clirio gwastraff anweithredol – nodwyd yr angen i greu cyfleuster newydd i gefnogi gweithrediadau parhaus ac anghenion y safle yn y dyfodol yn ogystal â galluogi trin gwastraff yn ddiogel ac yn effeithlon.

Newid gwydr yn Neuadd y Tyrbîn – yn dilyn difrod stormydd diweddar, bydd newid y darnau gwydr mawr yn Neuadd y Tyrbîn yn gwella cadernid ac iechyd a diogelwch.

Uwchraddio'r system ddŵr ddomestig – er mwyn mynd i'r afael ag unrhyw risgiau posibl o glefyd y llengfilwyr.

Cynaliadwyedd

Mae Wylfa yn datblygu Cynllun Cynaliadwyedd Safle penodol gyda'r canlyniadau allweddol fel a ganlyn:

- Mae'n cyd-fynd ag ymrwymiad NRS i gael effaith gadarnhaol drwy ddatgomisiynu diogel, saff, a chynaliadwy.
- Mae'n darparu dull lleol o ymdrin â chynaliadwyedd, wedi'i deilwra i gyd-destun a chymuned unigryw Wylfa.
- Mae'n cefnogi cydweithio traws-swyddogaethol i sicrhau effaith ystyrlon ar draws conglfeini amgylcheddol, cymdeithasol, ac economaidd.

Nododd SL fod hyn yn gam pwysig i sicrhau bod cynaliadwyedd nid yn unig yn nod ond yn ffordd o weithio ar draws pob agwedd ar weithrediadau'r safle.

Gwirfoddoli Cymunedol

Mae'r Tîm Gwirfoddoli wedi gwneud trydydd ymweliad i gefnogi Tyddyn Môn, elusen ar Ynys Môn sy'n cefnogi oedolion ag anableddau dysgu, fel rhan o'r cynllun Cymdogol.

Ymgwymerwyd â nifer o dasgau fel peintio, tacluso, a garddio i wella'r hyn sydd o'u cwmpas.

STEM

Fe wnaeth 11 o fyfyrwyr Gogledd Cymru fynychu rhaglen profiad gwaith 4 diwrnod yn Wylfa, yn camu i fyd datgomisiynu. Mae gwaith wedi cael ei wneud gyda'r tîm Gyrfa Cynnar i arddangos Wylfa fel man lle mae cyfleoedd, arloesedd, a dysgu.

Ymarfer Argyfwng Aml-asiantaeth – wedi'i drefnu gan Wasanaeth Tân ac Achub Gogledd Cymru gyda chydweithrediad aml-asiantaeth ac yn cael ei gynnal ym maes parcio'r Ganolfan. Roedd y digwyddiad llwyddiannus yn cynnwys hyfforddiant realistig ar sail senarios mewn amgylchedd diwydiannol cymhleth. Cafodd y gymuned leol rybudd ymlaen llaw o'r digwyddiad er mwyn osgoi pryder diangen.

Meysydd i'w gwella

Clefyd y Llengfilwyr Uchel – mae trefn fflysio well ar waith ac yn cael ei hadolygu'n gyson. Dim problemau ieuchyd ar y safle ar hyn o bryd.

Peiriannau'n diraddio a methiannau offer – mae unrhyw fethiannau'n cael eu nodi, ac mae gwaith trwsio neu symud yn cael ei wneud yn ôl yr angen.

Cynllun economaidd-gymdeithasol Gwasanaethau Adfer Niwclear (NRS) 2024-2025

Disgrifiwyd buddsoddiadau o'r cynllun economaidd-gymdeithasol fel a ganlyn

- Rhoddwyd hwb i fuddsoddiad **Cyngor Cymuned Llanbadrig** gyda chyllid NRS o £10,000 tuag at brosiect gwerth £214,000 i wella caeau chwarae Cemaes yn ogystal â datblygu ardal chwarae gynaliadwy sydd wedi'i dylunio'n dda ac sy'n hygyrch i bawb. Bydd yr ardal hefyd yn fan i gynnal digwyddiadau cymunedol.
- Yn ddiweddar, mae **Cyngor Cymuned Llannerchymedd** wedi cael £6,000 ar gyfer menter newydd, Hwb LlanNi, sy'n caniatáu i'r Hwb osod lifft grisiau er mwyn i bawb

allu cael mynediad at y llawr cyntaf ar gyfer dosbarthiadau, cyfarfodydd, a gweithdai. Mae Coleg Menai eisoes wedi dechrau cynnal cyrsiau TG i breswylwyr.

Roedd y gwobrau ar gyfer **prosiectau Cymydog Da** yn cynnwys y canlynol:

- Fe wnaeth **Cyngor Cymuned Rhosybol** dderbyn £1,100 i gefnogi'r digwyddiad cofio a gynhaliwyd ar Fynydd Parys i ddathlu Diwrnod VJ yn 80 oed.
- Yn ddiweddar, fe wnaeth **Clwb Pêl-droed Bodedern** dan 10 oed dderbyn £900 i gael offer hyfforddi ar gyfer y tymor newydd.
- Derbyniodd **Cymdeithas Gymunedol Mechell** £1,000 tuag at waith cloddio archaeolegol dros 10 diwrnod yng Nghae Rheithordy Llanfechell. Mae'n adeiladu ar lwyddiant gwaith cloddio blaenorol a gafodd ei ariannu'n rhannol gan NRS yn 2023. Bydd dros 50 o wirfoddolwyr yn cymryd rhan ynghyd â phlant ysgol o'r ysgol gynradd leol.
- Derbyniodd **Hyfforddiant Parys** £1,000 ar gyfer gwelliannau i'r Deyrnas Gopr ym Mhorth Amlwch er mwyn ei drawsnewid i fod yn le ar gyfer unedau i gychwyn busnesau bach.

Atgoffwyd yr aelodau i gysylltu â Mair Jones neu Elin Parry Jones (lefel cymydog da) ynghylch ceisiadau, manylion yn www.gov.uk/government/collections/nrs-working-with-our-communities.

Diolchodd y Cadeirydd i SL am ei adroddiad cynhwysfawr a'i longyfarch ar lwyddiant y prentisiaethau a safonau diogelwch y Safle.

Sesiwn Holi ac Ateb

Holodd y Cyng Gary Pritchard a oedd y prentisiaethau'n lleol i'r ardal, ac a fydd y Cynllun Busnes arfaethedig yn cynnwys cynnydd yn y nifer a gynigir.

Cadarnhaodd SL fod yr holl brentisiaid presennol yn lleol ac mai'r bwriad yw parhau i gefnogi prentisiaid yn dibynnu ar gyllid yn y dyfodol.

Holodd Virginia Crosbie a oedd cyfyngiad ar nifer y prentisiaethau a fyddai'n cael eu derbyn. Cadarnhaodd SL nad oes grŵp hyfforddi penodol ar y safle a bod terfyn ymarferol ar nifer y prentisiaid y gellir eu cefnogi yn y timau Cynnal a Chadw cymharol fach.

Holodd y Cyng Gareth Winstone Roberts pa sgiliau a gynigiwyd i'r prentisiaethau. Cadarnhaodd SL fod y meysydd yn rhai trydanol, mecanyddol, peirianeg ddiwydiannol, a diogelwch. Y nod yw sicrhau cydbwysedd rhwng llwybrau graddedigion a phrentisiaethau. O ran canlyniadau, mae prentisiaid yn cael hyfforddiant a chymorth gyda'r technolegau diweddaraf.

Holodd y Cyng Derek Owen beth yw'r cynlluniau i leihau niferoedd staff. Dywedodd SL fod staff, ar hyn o bryd, yn cael cynnig cynlluniau ar sail wirfoddol mewn meysydd a all gefnogi'r dull hwn. Fodd bynnag, ailadroddodd fod cyflawni'r genhadaeth yn hollbwysig ac y bydd staff yn cael eu cadw i wneud hynny.

Cyfeiriodd Llinos Medi AS at y synergedd rhwng datgomisiynu a'r gweithlu niwclear newydd. Cytunodd Cadeirydd Grŵp Rhanddeiliaid y Safle i drafod ymhellach â LIM y tu allan i'r cyfarfod

6. Yr Awdurdod Datgomisiynu Niwclear (NDA)

Derbyniwyd ymddiheuriadau gan Jonathon Jenkins NDA. Fodd bynnag, nodwyd cynnwys ei adroddiad a ddosbarthwyd ym mhecyn papurau'r cyfarfod.

7 Diweddariad gan Y Swyddfa Rheoleiddio Niwclear (ONR)

Cyflwynodd Katie Chandler ei hadroddiad ar gyfer y cyfnod rhwng 1 Ionawr 2025 a 30 Mehefin 2025, a oedd wedi'i ddosbarthu yn flaenorol gyda phapurau'r cyfarfod. Aeth arolygwyr safle ONR i Wylfa ar y dyddiadau canlynol:-

11 Chwefror
27 Mawrth
8 Ebrill

Nid oedd unrhyw faterion na digwyddiadau pwysig i adrodd arnynt yn ystod y cyfnod.

Sesiwn Holi ac Ateb – dim wedi'u derbyn

Diolchodd y Cadeirydd i KC am ei ddiweddariad.

8 Diweddariad Cyfoeth Naturiol Cymru / Asiantaeth yr Amgylchedd

Cyflwynwyd adroddiad ar y cyd gan Cyfoeth Naturiol Cymru / Asiantaeth yr Amgylchedd gan Iwan Williams, Rheolwr Cyfoeth Naturiol Cymru ar gyfer safleoedd Wylfa a Thrawsfynydd, ac roedd yn rhoi sylw i'r cyfnod rhwng mis Ebrill a mis Medi 2025, ac ni nodwyd unrhyw faterion penodol ar gyfer Wylfa. Fe wnaeth hefyd gyflwyno John Madden, Asiantaeth yr Amgylchedd, i aelodau Grŵp Rhanddeiliaid y Safle.

Diolchodd y Cadeirydd i IW am ei adroddiad, a dymunodd yn dda i John Madden yn ei swydd newydd.

Sesiwn Holi ac Ateb

Cyfeiriodd y Cyng G O Jones at wybodaeth ddiweddar yn y cyfryngau ynghylch gostyngiad y tyrau yn Nhrawsfynydd. Cadarnhaodd IW nad oes gan Cyfoeth Naturiol Cymru unrhyw bryderon ynghylch ymbelydredd ac y bydd y gwaith yn dechrau ym mis Mai 2026.

Sicrhodd KC yr aelodau hefyd fod yr holl asiantaethau perthnasol mewn cysylltiad rheolaidd â safle Trawsfynydd a'r contractwyr penodedig, Costain.

9 Sesiwn Holi ac Ateb Fforwm Agored – ni chodwyd unrhyw gwestiynau pellach.

10. Unrhyw Fater Arall

Diolchodd y Cadeirydd i bawb am eu presenoldeb a daeth y cyfarfod i ben am 02:50

Dyddiad y Cyfarfod Nesaf – Ebrill 2026, dyddiad i'w gadarnhau.

Llofnod.....

Y Cyng Aled M Jones, Cadeirydd